

Cracoviensis Junior. Univ. Sigell.

Promotiones Philos. Ordinis

1704. 18 Octobris



3578

III.

Mag. St. Dr.

P

Præsentata 3017

Obrybski Jas: Bellaria mentium ex rapidis -
simis fructibus laboris, scientiarum ac vir-
tutis collecta et IX. VV. DD. primas
laureas Candidatis - oblata.

BELLARIA ⁶¹
MENTIUM,

Ex Sapidissimis Fructibus
Laboris, Scientiæ, ac Virtutis
COLLECTA,

ET

IX. VV. DD. Primæ Laureæ Candidatis,
dum
PER

Clarissimum & Excellentissimum Dominum,

D. M. MARTINVM ALEXANDRV
KUROWSKI,

Philosophiæ Doctorem & Professore,
Collegam Minorem,
IN AVGVSTALI D. IAGELLONIS
Artium LL. & Philosophiæ Baccalaurei,

*In Frequentissima Illustrum Hospitum Corona
ritu Solenni renuntiarentur,*

PER

Fr. IOSEPHVM OBREBSKI,

Canonicorum Regularium Sanctissimi Sepulchri Domini Hierosolymitani
Conventus Miechoviensis Professum,

Ejusdem Laureæ Candidatum,

Ad resonantem fraterni affectus & congratulationis Cytharam

OBLATA.


*Anno, quo DEUS Unione superadmirabili Hypostasis humanam
Naturam dignatus est,*

1704. Die 18. Octobris.

C R A C O V I Æ,

Ex Chalcographia Francisci Cezary, S. R. M. Illustriss. ac Reverendiss. Dni Episcopi Cracov.
Ducis Severiæ; necnon Scholarum Novoduorfcianarum Ordinarij Typographi.

In Stemma
GEMINÆ CRVCIS
 Canoniorum Regularium SS. Sepulchri
 Domini Hierosolymitani.



I.

UNa Polo veniens de terris altera binæ
 Suntque Cruces medio, sed tamen una micat,
 Sanguine namque DEI patientis splendida, Vestris
 Æquè pectoribus lumine clara nitet.
 Altera si fixum Numen Vos altera fixos
 Fert in amore DEI, unaque amore DEO.

II.

Recludit fulgentem Coeli Purpura Solem,
 Crux lumen vitæ murice tincta DEI.
 Hâc dum PETRE rubes, sacrum Nomenque tueris,
 David clave tuis aurea sæcla aperis.

JOANNES RUSIECKI, Eloquentiæ Auditor

PERILLVSTRI & ADMODVM REVERENDO DOMINO,
D. PETRO BOROVIÓ,⁶³

Sacrae Theologiae Doctori,

Canonicorum Regularium Sanctissimi Sepulchri Domini Hierosolymitani
per Minorem Poloniam

PROVINCIALI,

PRÆPOSITO S. HEDVIGIS Stradomiæ ad Pontem Regium,
Domino ac Benefactori Amplissimo.



Cum sævus Marvora, cruenta inter sanguinis Orbe Europæo
diluvia, Tantaleam fabulam aureis Regnorum pomis ludere
videtur, & bellis, minimè bellis, vitam nostram saturare.
Lecta Iagiellonica de arboribus Pomona autumnales inter
ferias eo Tibi dedicatum Bellaria mentium, Perillustris, &
Admodum Reverende Domine. Visum est, cum ejusmodi
fructibus non ad alium quempiam recurrere, nisi qui &
æstimare possit præ aureis Vitellij panibus eruditæ mentis delicias, & integram
quasi famem adferret, sic favoribus, in eruditorum labores, abundantem, & si
longè solidioribus, Sapientiæ refectus cibus, quàm disputantium olim Philosopho-
rum mentes, ad mensam Solis in sabulo positam. Quidni Tu mihi occurreris?
cui hæc omnia largo munere Superum obligere. Talis inquam, qualis es, qua-
lis omnibus, etiam tersissimarum mentium papillis, solitus es apparere. Emi-
cuit in Te tantorum bonorum capacitas, & ardor quidam divinus, quando ad
Arborem æternæ Sapientiæ fructibus opulentam, ut approximares intimius, in-
natum omnibus illud, Tibi singulare sciendi simul ac bene agendi expleturus de-
siderium, Sacram Canonicorum Regularium SS. Sepulchri Domini Hierosolymi-
tani Religionem ingressus es. Vbi omnium corda in Tui amorem & expecta-
tionem maximam cum rapuisses, illius etiam aurei Tripodis in Senatu Polono
ALBERTI KORYCINSKI, olim Archiepiscopi Leopoliensis, protunc Gene-
ralis S. Ordinis, cor Tibi Mecænatis Amplissimi possedisti. Vidit dotes ad ma-
gna Tecum natas Illud Sidus Illustrissimum, ac ideo beneficis gratiarum suarum
radijs eò per lucidissimas semitas deducebat, ubi reluceres faustis ornatus deco-
ribus. Quod isto duce non aggressus es arduum & confragosum iter, & supe-
rasti? quæ documenta non dedisti laboris infracti, animiq; meliore Sole animati?
Ad mamillam Regum, Divorum animorum Berecynthiam, Almam Academi-
am Cracoviensem perrexisti feliciter, cujus tandem lacte sic es enutritus, ut
virtutem ac Scientiam in robur vitæ Tuæ convertereris, indè regalis insignitus
charactere Sacerdotij, par & præesse & prodesse alijs videri cœpisti & mereri.
Sed tantus animo politissimo & virtutibus non debuisti in patrio Sarmatiæ solo
ad Tuam crescere venireq; maturitatem, ne minus quid, & commune de Te fa-
ma posset prædicare. Roma, Caput Orbis, & Pantheon humanorum decorum
petendum erat, ut nova capeßeres, non quòd hic eadem non haberes, sed, ut ille
regnans

64
regnans humani generis, & animorum fulgor huc etiam per Te transfunderetur, per Te inquam, Romanâ Laureâ Theologici Honoris pulcherrimè redimittum, aureo nitore morum Ecclesiasticorum & rituum refulgentem Sacerdotem Magni DEI, Pastorem verum gregis Domini, & Domus ejus grande ornamentum, vitæ intaminatæ cunctis absolutissimum exemplar. Quàm, visendus ipse Nomen Sacri Ordinis circumtulisti florentissimæ Ausoniæ coram Laureis! ut ultro Tuam exambirent frontem eruditam circumcingere. Quàm altæ Sapientiæ jubar in crystallum puriorem Tui pectoris congregasti! ut clarum patuerit, non in Capitolio, vel supercilio tumentis animi, sed in capite bonæ mentis augustius eminere, quodcunq; decus ingens est per seipsum. Redux ab extero Sole, complexibus Religionis Tuæ intimis exceptus, & medullis affectuum sincerissimorū, quid non egisti par magnæ & Tuæ Virtuti? Quos honores in S. Ordine dignitate meritorum non extulisti? Testatur apex omnium, in quem sic Te evexerat alta apud omnes magni animi æstimatio, ac si per Te omnes insimul in summo constituti fuissent, & honor seipso alior evasurus, quem iteratis vicibus in humeros involantem suscipere debueras. Nec mirum. Nam adeò resplendisti in eo, ut Vigilantia ipsa super muros Ierusalem stantium, & non cessantium nocte dieq; annuntiare Laudem Domini Custodum, posita videretur; quia Custos totus oculus, Paternus in omnes amor, charitas perfecta, labor indefessus & sollicitudo, & omnium honorum corona aurea cernebaris. Quas deinde non illustrasti commendatas Tibi Ecclesias, verè Lucerna in candelabro Ecclesiæ posita? Testantur pretiosæ suppellectiles Tuis curis comparatæ ad ornatum sacrarum ædium & Altarium, adeò, ut sponsas de cælo descendentes ornatas viro suo cum sacro oraculo dicere liceat. Illa Chelmensis in Sacra Religione suo auro & ornamentis, Miechoviensis quoq; Domus & Basilica splendor & ædificia sibi restitutâ integritate dexteram Tuam loquuntur beneficam, & gloriam Tui Nominis eousq; perorabunt, quousq; invidos annos poterunt superare. Omnes verò erga Domum DEI, Religionem, populum fidelem amplissima prædicando merita, intelligunt, quàm pulchrius speciosus præ filiis hominum in purissima animi Tui crystallo resideat. Verum, ne Tuæ Virtuti, Sapientiæ, ac fulgentissimis meritis injurius videar, illa celebrare si velim, nec mente æquando, quæ seipsis micant splendidiùs: ut Sol in nube sua etiam clarior, quàm in limpidissimo aquæ elemento; nolo Tuæ cortinam fatigare modestiæ, sed eam venerari sufficit. Quod abundè me perfecisse gaudebo, si hæc Bellaria mentium, quæ Tuo Nomini & Honori dedicata volui, & me ipsum grato animo susceperis. Cui faustissimos & numerosos annos apprecor, ut sum

PERILLVSTRIS ET ADMODVM REVERENDÆ DOMINATIONIS

humillimus Servus

IOSEPHVS OBRĘBSKI,
Conventus Miechov. Professus,
Primæ Laureæ Candidatus.

FOECUNDÆ COELESTIBUS GRATIIS ARBORI

Secus decursus Aquarum viventium plantatæ,
Regnum Poloniæ & Academiam
Sanctæ Protectionis Vmbrâ tuenti,
Et Thaumaturgis fructibus reficienti;
B. IOANNI CANTIO,
Sacræ Theologiæ Doctori & Professori,
Patri & Patriarchæ Beneficentissimo.



Rbor ô Divûm veneranda! doctæ
Turba quam florens, Heliconis umbræ,
Et Sacrum Lauri nemus & Dearum
Serta coronant.

Verticem Sancti super astra montis
Efferas quamvis, teneas & alto
Numinis Magni Charis ô beata!
Corde receptum.

Es simul latis spatiosa ramis
Regna per, multos populos, ut omnes
Brachijs Sancti religes amoris,
Dulcèque serves.

Non minùs suaves pretiosa fructus
Exhibes, nostros satiando gustus,
His famem sedat melior supremæ
Gratia Dextræ.

Namque vicinis animata rivis
Fontis æterni, superas Beatæ
Gloriam Sylvæ, decus omne palmæ,
Dive IOANNES.

Laurus à ventis, licèt inquietus
Hinc & hinc vulsas agat Auster ornos,
Æolus quamvis fremat insolenti
Carcere missus,

Tuta, secura estque Tuis sub umbris,
 Vernat, æstus nec Liparæ timere
 Novit exurens Iovis & rubentis
 Fulmen ab aure.

Fronde sub Sancta positus virescit
 Æger, ac flores rutilant bonorum
 Indigo, miros alimenta succos
 Carpimus omnes.

Hinc vigor mentis, tolerans laboris
 Pectus, in sanctos rapitur decores,
 Hinc sapor Divæ Sapientiæ, cum
 Nectare Sacli.

Arboris Divæ memores in ævum
 Occinunt Phœbi Cytharæque cordis
 Gratias vivas, resonant & auræ
 Dulcia dona:

Et melos nostrum Pater Alme, totum
 In Tuos plausus, solitos honores,
 Vocibus Musæ, Charitesque certant,
 Et pia vota.

Perge tutamen fieri Polonum,
 Atque regnantes Aquilas, ab igne
 Martis, & Troas miseros tueri, &
 Laurea Sacra.

Te colet Cedrus viridans honosque,
 Te Pater Sancte radians in ostro,
 Gloriam dicet, Superi vireti
 Nosque Patronum.

Et Patrem dulcem famulante plectro,
 Laureis vincti recinemus & nunc
 Vt sacras primi ferimus laboris
 Munus ad Aras.

Clarissimis & Excellemis Dominis,
DD. EXAMINATORIBUS,

Clarissimo, & Admodum Reverendo Domino,
D. M. CASIMIRO
ZRZODLINSKI,

Philosophiæ Doct. & Profess. Collegæ Minori, Ecclesiæ S. ADALBERTI in Circulo Crac. PRÆPOSITO, ac interea Philosophicæ Facultatis DECANO.

Clarissimo, & Admodum Reverendo Domino,
D. M. MARTINO BIELECKI,

Collegæ Majori, Regio & Tylicianæ Eloquentiæ Professori,
 S. Th. Baccalaureo, ad S. ANNAM Scholastico.

Clarissimo, & Admodum Reverendo Domino,
D. M. PAULO CELEIOWICZ,

Phil: Doct & Prof. Collegæ Minori, Contubernij Jagellon. Seniori.
Debitæ venerationis & gratitudinis.

ODE EVCHARISTICA.



*I sola virtus præcipites vehi
 Compescat annos, frenaque præpeti
 Adducat ævo, nec protervis
 Ire sinat vaga lustra pennis.*

*Laudes perennes quis bene fulgidis
 Inscribat annis, quis meritum decus
 Æternæ, attollatque fama
 Nomine digna Virum sub astra.*

*Hæc quem beato lumine tingere
 Dignata, felix; ille volucris
 Non damna novit unquam ab annis,
 Sed celeres remoratus auras.*

*Illis ut æri marmoribus seu
 Notanda vivæ scribere gloriæ
 Cunctis legenda quæ resurgent
 In meritis animoque ævo.*

*Proinde Vestris munus adoreis
 Quid, & Supremæ Carmina concinam.
 Quæ laudis? hæud me cura tangit
 Tempora quos celebrando dicent.*

*Pulchro recinctus vernio nomine,
Virtutis altæ, cum Sapientia*

*Mentis labore tersioris
Et meritum radio coruscans.*

*Dicent: Sophorum, pulcher honoribus
Dotes per amplas cum Sapientia*

*Est orsus explicare dulci
Ore simul nitidæque mente.*

*ZRZODLINSKI, in omnes sparsa serenior
Lux est, fugatæ sunt tenebræ rudes*

*E mentibus risitque Stodâ,
Iudicium tulit acre palmam.*

Est visa plausus inter amabiles

Mens ipsa veri fulmina fundere,

*Princeps Stagyra lumen, atque
Dogma vetus radiare gratum.*

Labore fido quàm benè gignitur.

Honor Serenus, Gloria Nobilis!

In Te relucet, & secundo

Purpura Te decorans fatetur.

Princeps Sophorum, mentis Ebur cui

Fœcunda donis gratia contulit

Te docta clarabunt per Orbem

Nomina, fama Tuos & annos

O! quàm per altæ culmina gloria

Vicinus astris nomine maximo

Volabit ingens & perennis

Ingenio calamo. BIELECKI!

Medulla Suada, flos populi Sacri

Musis, DEI cum pandit Oracula,

Aurum est Ducalium Mitrarum

Plinius & Dominum Corona.

Dum fata flevit plurima Principum,

Dum busta Regum Sol lachrymis pluit,

Letos vel ortus quando pinxit

In solio Iovis, ipse risit.

Non Cæsar ullum, non Macedo potens

Optaret ultrâ condere Sæculis

Qui posset illos, cuncta regnat

Mente bona Dea Laurearum.

Quàm fama dulcis, vitæque Sæculi!

Quam Musa donat. Nec Tua serpere

Consuevit omnes CELEIOWICZ

Ore loquens recinens lepores

Vir-

69

*Virtus. Tibi nam dotibus inclitis
 Et mens & aurum moribus emicat
 Polite pulchris artibus
 Nomen & ingenium sub astra
 Tollunt, Sacras si scandis in exedras
 Et mella tecum, splendor & igneus
 Doctor, Cathedra seu refulges,
 Lumina clara micant Lyceo.
 Sic Vos in auro provehet essedo
 Virtus, labores, facta perennibus
 Fastis notabunt laureatis
 Sidera nostra, Patres faventes.
 Sed Musa præceps quò ruis? impetu
 Vrges Apollo, grataque pectora?
 Desiste; gratius loqueris,
 Atque hosque tacendo tolles.*

BELLARIA MENTIUM,

Ex Sapidissimis Fructibus
 Laboris, Scientiæ, ac Virtutis
 C O L L E C T A.

I. V. & Adm. Rever. D. CHRISTOPHORO
 GRVDNIEWICZ,

Canonicorum Regularium SSmi Sepulchri Domini Hierosolymitani
 Conventus Miechaviensis Professo Presbytero.

*Poma Aurea, de Hesperidum hortis, quæ Herculi
 Dracone occiso cessere.*

CUM LEMMATE:

Dant rapta Triumphum.

Sedula mens solidusq; labor, quàm munere digna!
 GRVDNIEWICZ, documenta, tuæ sunt præmia menti,
 Palladius, quæ necit honos. Non spontè coronæ
 Obveniunt. Largus si quam consperserat imber,
 Laurea Serta decent frontem. Fons muneris omnis
 Est labor, atq; parens decoris. Complexus amore
 Hunc tu; promptior ingenio dissolvere visus
 Es Sophicos nodos, & bellè Stemma laboris
 Corde referre Crucem, Stimulos quæ subdit acutos,
 Ut mereare diu multos sudore triumphos.
 Aurea poma proin, vigili defensa dracone,

Non, nisi quæ forti poterant contingere dextræ
70. Herculis ad summos ficti natiq̃ue labores
Vt iustum dicantur ei peperisse triumphum,
Dona Tuis apporto laboribus, & superatos
Gratulor & meritam laurum cum cordis amore
Fraterni. Vireas felix; & robore mentis
Præstando suavem reputes quemcunque laborem
Sub Cruce, Sidereos habiturus mente sapores,
Et fructus auro rutilos ex arbore vitæ.

III. V. D. MICHAELI PRVSKI,

*Fructus Cydonij miræ fragrantia, qui in meta positi præcurrentibus
dabantur.*

CUM LEMMATE:

Vividis fragrantia dona.

D Otibus egregijs, bona si cultura dicitur,
Fructus adest pulcher, cordeq̃ gratus odor.
Hæc demptâ, cuncto spoliatur munere Cœli,
Noxia vel veniunt, proficit atq̃ malum.
Quid iuvat ingenium? nisi cum probitate colatur
Artibus; ast oberit, plura venena dabit.
Consilio meliore viget cum luce serena
Mens PRVSKI, dotes perpoliando suas.
Fertilis in Laurus meritis, virtute, decoras
Et fructus animi, provocat ars etiam.
Multis hunc ductrix Sapiencia visa probare
Et reperit cultum, iudicioq̃ parem.
Hinc caput inclinans Lauro fragrantia prende
Dona libens, veris & mereare bonis.
Vividus ingenio celeres per Olympia cursus
Perfice, fragrabit Nomen odore Tuum.

IV. V. D. MICHAELI PRZYTOLSKI,

*Mala Punica vertice coronato nascentia, & ab intra grano-
rum numerosis rubinis pretiosa.*

CUM LEMMATE:

Hæc fiunt ô quàm pulchra corona sibi!

Quæ coronatos redeunt per ortus
Poma, cùm signant meruisse tantum,
Nec coronari meritis honore,
Esse Coronam.

Concinat verum Dea læta Carmen.
Fallitur dicens: sine laude Virtus

Est

Est frequens; gemmas generant nec imbres,

Fronte cadentes.

Præmium, Virtus; meritum caputque,

Est honos semper sibi. Lux in umbra

Promicat. Quare cupiens honorem,

Docte PRZYTOLSKI,

Dona fer gratè hæc, meritisq; semper

Fide; nec tantum ob radios honoris,

Præmium dandum, sed amore recti

Ferto laborem.

Laureæ nexu sociatus in Te

Tullij flos & Sophiæ nitores

Vive Virtuti, Tibi, si mereris,

Ipse corona.

V. V. D. IOANNI CZARNAWSKI,

*Fructus Palmæ Ægyptiæ mirè fecundæ, Symbolum Indolis
ad omnia bona natæ.*

CUM LEMMATE:

Copia & gratia, certant.

UT Palma floret, magnificum decus,
Sic fructus ejus gratior obvenit.

Minus nec ille gratus adsit

Isiacis generatus arvis;

Si non magis, quod copia nobilis

Augescit aliæ munere gratiæ,

Cœli bonumq; se probando

Dulce melos Cytbaræ meretur.

Quæ dona cantant Musa, Tibi refert

Colendo pectus dotibus inclitum;

Palmam decoram CZARNIAVI

Te sonat, ut variæ capacem

Perfectionis; nobilis impetus

Flammas habentem; cordeq; plurima

Iam jam minantem seu choris

Pieridum, Ciceronis atque

Placet sales vel reddere flumine,

Aut Stagyræ currere semitâ,

Leges, Sacros seu Codices mens

Volvere clara velit, valebit.

His fructibus Tu gratior in dies

Vt sis: secundis ominibus cape

Palmarum munus germinis, quod

Isiacas claruit per oras.

VI. V. D. MATTHÆO KOŁĘDOWICZ,

72 *Fructus Palmæ aureus in Delo Insula olim Apollini sacer.*

CUM LEMMATE:

Mente dignissima merces.

A Vrea conveniunt Virtuti munera semper,
Doctrinæ, Ingenijs bonis.
Quo vacuus cultu, quamvis splendescat in auro,
Dignus nomine stipitis.
In Te Diva parat dignam Sapientia sedem;
Pulchris cultior artibus.
KOŁĘDOVI. Nam pandit labor abdita rerum
Ad libros vigili Tibi.
Quantum proficies studio, cum forte beatâ
Tanti muneris es capax?
Mens docilis, penetrans, & clara, profunda, tenaxque,
Prudens est animus simul.
Seu placeat Cicero, gravis aut in Carmine Maro,
Es promptus calamo oreque.
Aurea dona proin poscit sibi mens Tua, namque
In Te fulget ut aurea.
Auro fulgentes igitur pro munere fructus
Grato pectore suscipe.
Insuper ut Virtus in Te sua dona coronet,
Sit digno Tibi par honos.

VII. V. D. VENCESLAO
PANISZEWICZ,

Botrus ad Solem excoctus.

CUM LEMMATE:

Benè recreabit Saporem.

M Vltis, ut sapiant, sufficit ad jubar
Prospexisse nisi; Phœbus id an sciat?
Grati suntne saporibus?
Acres sunt nimium, vel Sapores polo
Ridendi satius? Qui sapuit botrus,
Solem nec potuit pati?
Sunt spectanda diu lumina, flammæ
Supportanda, cui fervor, ut evocet
Gustus, orbe, suavior.
Quàm felicior es, Lecte PANISZEVI,
Et dilecte Sacris Numinibus benè,
Verè hæc lumina quod petis!

Matu-

Maturefcere vis? lampada condere
Ignoras. Veterum sidera profpicis,
Solus cum tenebris micat,
Vt Solem revehas culmen in arduum
Sublimis genij, quem Tibi contulit
Largus munere Iuppiter.
At postquam roseo limine prodijt
In mundi faciem, lustrat ut omnia
Sol, Te cernis amantiis.
Illustrat studium, fingere Te aureos
Mores ad similem vult & imaginem
Sacro in pectore Patru.
Sudor gemma Tuus fronte cadens, quia
Discentis melius Teste sub aureo
Phæbo, Sidere fervido.
Est, est urva meri, pectoris indoles,
Ad Solem studij, quem Tibi gratulor.
Fiat coëta, Sapor bonus.

VIII. V. D. LAVRENTIO PERONSKI,

Fructus de ficu Indiæ dulcissimi, licet cortice dispari.

CUM LEMMATE:

Latent tenero sub cortice mella.

Quo Te munere competentiore
 Dignari valeat, canendo Musa,
 Docto tempora porrigens virori
 PERONSKI, meliora quando cernit
 Grato lumine dona, quæ favente
 E coelo Tibi sunt tributa? fructus
 Indorum capit & reponit ultro,
 Mens gustet, meliore melle plenos
 Offendet, satiabiturque gustus.
 Dotes pectoris in sapore vero
 Fient omnibus & Tui. Labores
 Tantum, quatenus Indiana cura
 Te non exsuperet sciens fovere hos
 Fructus, atque poli vices obire.
 Nam quid non valet ars, laborque, mensque
 Non oblita sui. Videntur illis
 Multo plus oculis in orbis esse,

Dignetur Splen.

Splendorisque suprema vel stupores
Rerum. Summa struit faber celebris
Fama, Nominis. Hunc sequare fortis.
Illi consecrat ista, quæ recingit
Laurus, Te, bone. Dulcis inde vivas.

IX. V. D. PETRO GLINKA,

Mala Punica in vestibus Summi Sacerdotis, mandato Dei elaborata.

CUM LEMMATE:

Gratior est oculis Religionis honos.

Est auro nitido præcipuus valor.
Est malis Lybries eximius sapor
Accedens tamen his Religio Sacra

Multo majus eis conciliat decus.

Sic & non aliter est Sapientia

Per se pulchra satis, tum venerabilis.

Cui si juncta DEI sit reverentia,

Se tunc major erit. Sic pietas honor!

Hæc Tu sorte magis GLINKA beatior

Quàm Karum numeris, atque Sophum bonis

Rixis emineas. Iurgia spargere

Docta exosus, aut mente domos poli,

Composque animi sensibus, aut bonis

Præstans, & meritis æthera mulceas.

Sic cultu Superum magnus habebis.

Rem nomenque boni consocians Viri.

Hoc voto resonat Pegasidum Chorus.

Præcingens merita tempora Laureâ.

II. V. D. IOSEPHO OBREBSKI,

Canonicorum Regularium Sanctissimi Sepulchri Domini Hierosolymitani

Conventus Miechoviensis Professo,

Primæ Laureæ CANDIDATO,

AUTHORI OPERIS,

In vim debita gratitudinis.

IOANNES CZARNAWSKI,

Ejusdem Laureæ Candidatus,

offert.

Fructum ex Punicis arboribus aureum Solis colorem referentem.

CUM LEMMATE:

Fulgentior inde.

TV, qui Castalidum celebres moderaris habenas,
Ductor venusti Phœbe decusque Chori.

Hùc illas gemino fac, hùc descendere Clivo,
Protinùs ad nutus, accelerare velint.

75

Dulcia non muto resonent modulamina buxo,
Nobile dum Vates mente revolvit opus.

Tu verò aurea nunc primus Tibi barbita sumens,
Incipe dulcisonis sollicitare modis.

Gaudia concinnè pertinent pectora Vatis,
Sic animo promptum consilium veniet.

Qualiter aut quanto valeam celebrare cothurno,
OBREBLI, munus quod mea Musa dabit?

Reddere par paribus dum poseit candor amoris,
Versà sinceri dona referre vice.

Ille dedit suaves fructus, quos Sydere fausto
Hortus Palladius parturiendo foveat.

Fructus ergo suisumat pro fructibus ille,
Intima sic mentis consulere mihi.

Punica quos gignunt, hi sunt, viridaria plantis,
Aureus hos splendor condecorare solet.

Hæc Tibi conveniunt OBREBSKI singula monstrans,
Quæ Solis nitidi signa referre solent.

Clarus ubique nites, quando perplexa resolvis;
Callens magnorum dogmata cuncta Sophum.

Nestor ades magnus nobis, dum fundis ab ore
Eloquij succos, quos Sacra Pallas amat.

Nunc quoque Laurigeros Phœbi, quum sumis honores,
Indè Tuo Capiti digna Corona venit.

Certus sum Vates, quod præmia larga parabit

ORDO Tuis meritis; Te ambiat altus honor-

Tantum Tu fructus celebres nunc spernere noli,

Candida quos tribuit mens animusque Tibi.





76.



Sub Felicibus Auspiciis,
Magnifici, Perillustis, & Admodum Reverendi Domini,
D. M. P E T R I
PRACZLEWIC,
S. Theol. Doct. & Prof. Collegæ Majoris,
Ecclesiarum Collegiatarū S. FLORIANI ad Crac.
& Pilecensis DECANI,
PRÆPOSITI Prosovicensis, Scholarum Novo-
duorscianarum & Contubernij Hierosolymitani
PROVISORIS,
Studij Almæ Universitatis Cracov.
Generalis & Vigilantissimi
R E C T O R I S.



D



Biblioteka Jagiellońska



stdr0021941

